

HERPES SIMPLEX; lokalizuje se na koži i sluznicama, a uzročnik je Herpes simplex virus (HSV). Prenosi se direktnim kontaktom sa oboljelim osobom. Razlikujemo nekoliko kliničkih oblika, a sve prolaze kroz tri faze tokom kliničke manifestacije oboljenja, a to su; faza primoinfekcije, faza latencije i faza multiplih recidiva.

HERPES SIMPLEX OROFACIJALIS; primarna infekcija u ranom djetinjstvu, nakon inkubacije 3-10 dana. Na sluznici usta, usana ili konjuktiva javljaju se vezikule koje prelaze u erozije i ulceracije, uz osjećaj bola i peckanja. Obično su uvećane regionalne limfne žlijezde, praćeno visokom temperaturom, koja se povlači 3-5 dana, a oboljenje se sanira 1-2 sedmice.

HERPES SIMPLEX GENITALIS; prenosi se seksualnim putem, inkubacija traje 5-15 dana. Klinički znaci su balanitis, vulvo-vaginitis ili anitis. Inicijalne vezikule brzo se prelivaju u vrlo bolne erozije, a često su prisutni bolovi koji se šire u genitalno područje ili donje ekstremitete.

HERPES ZOSTER; vezikulozna dermatoza sa unilateralnom lokalizacijom na tijelu i obično je praćena jakim bolom na mjestu lokalizacije. Uzročnik oboljenja je virus varicella-zoster. Primarna infekcija se javlja u djetinjstvu, manifestuje se kao varicella, a nakon toga virus odlazi u ganglione kranijalnih nerava i zadnje korjenove kicmene mozgdine gdje boravi u latentnom stanju. Virus se može aktivirati uslijed iscrpljenosti, hroničnog zamora, imunosupresivne terapije i malignih oboljenja. Oboljenje počinje bolom, eritemom, vezikulama, koje prelaze u erozije i kruste, a sve je praćeno jakim bolom u regiji inervacije zahvaćenog nerva, obično je to nervus trigeminus. (n. facijalis).

Nakon saniranja kutanih promjena koje su uvijek lokalizovane unilateralno, može se javiti postherpetična neuralgija, koja se teško liječi, obično dosta muči pacijenta, a traje do šest mjeseci. Vazno je naglasiti da se promjene ne peru, izuzev ako se ne pojavi superinfekcija.

VERRUCAE VULGARES; bradavicasti izrastaji na koži koji se najčešće javljaju kod djece školskog uzrasta, a lokalizuju se na rukama. Benigne su prirode, ali se uklanjaju krioterapijom jer su vrlo kontagiozne.

VERRUCAE PLANAE IUVENILES; javlja se kod djece, a lokalizuje se na licu, celu, bradi,

obrazima i gornjim djelovima sake, vrlo su kontagiozne i sklone sirenju.

CONDYLOMATA ACUMINATA; lokalizuju se na genitalnoj regiji, a prenosi se najcesce seksualnim putem, Najcesca lokalizacija na penisu, vulvi, anusu i cerviksu uterusa. Uvijek su iznad površine sluzokože, karfiolastog oblika, ružicaste boje i vlažne površine. Važno je napomenuti da kondilomi, ukoliko se često javljaju i rezistentni su na liječenje, mogu biti znak prisutnosti karcinoma rektuma ili uterusa.

MOLLUSCUM CONTAGIOSUM; ovo je benigno oboljenje koje se lokalizuje genitalno, a može i na ostale dijelove tijela (abdomen, butine, prepone). Promjene su u obliku papula koje su umbilicirane, inkubacija traje 5-10 dana.